

雲南通志卷二百十七

藝文志四之四

雜著四

詩四

春曉望太華山

國朝武定同知甯州劉大紳

吁嗟乎太華山乃在昆池邊輕舟一日堪往還倚樓
騁望幾清曉如何不一躋其巔豈無登山足豈無買
酒錢屐齒不會折杖頭空自懸春風澹蕩拂襟袖鞭
虬策鯉可以相周旋青雲白石皆燦爛瓊花瑤草齊
芊綿上有採藥服食之飛仙排神馭氣升青天朝參

雲南通志

卷二百十七

藝文志四之四

雜著四

詩四

玉帝侍王母大醉歸來星月殘解醒欲飲一杯水茫
茫無地尋仙源昆池倒流三百里一吸不足心快然
飛入大瀛海笑傲三壺閒東岱南衡中嵩北恆西太
華五嶽入眼猶蝸蠅幾不知太華山外復有太華山
巨靈有掌不會擘仙人有枕不會眠卷之藏巾笥撫
之拜几筵登高大呼衆山應水怪雲靈心膽寒鑿池
習戰務勤遠卷石不以當雄關移雞移馬爲金碧漢
武非聖宣非賢天生我輩行樂耳山可遊也其遊焉
風浴何與言志事喟然之與誰舍旃吁嗟乎太華山
乃在昆池邊我不能刀圭入口生羽翰復不能洞天

福地縮之庭堦前何不杖策如龍筆如虎韓詩柳記
摩巖鑄胡爲靜夜燈火晨相連呶唔佔畢忘朝餐開
門且語二三子爲賦春曉望山詩一篇

昆明池金線魚

國朝望江知縣趙州師範

欲泛昆明海先問金線洞洞水深且甘嘉魚果誰縱
罟師向予言秋風昨夜動內腴體外熱銜尾游石空
本暢清涼懷轉作羹膾用或應上官需或詣高門送
我時獲一二不減熊蹯重那羨瑤池仙烹鱗瀹紫鳳
產非太僻遠擬向天廚貢置之爨鯽前坐看尹邢閱

月街吟

師範

雲南通志

卷二十七

藝文志四之四

雜著四二 詩四

烏綾帕子鳳頭鞋結隊相攜趕月街觀音石畔燒香
去元祖碑前買貨來吳羅蜀錦紛成束紅者珊瑚白
者玉藥氣薰天種種全奇形百出搖雙目氈裘毳帽
耳珠墜纓緬番戎貌各殊璀璨疑遊五都市喧囂如
展上河圖對此人山與人海山海當之色亦改柳橫
酒旆綠含煙花隱茶坊紅絢彩白面誰家馬上郎金
羈寶勒紫遊韁醉擁笙歌翻豔譜坐催饒角發清商
夕陽欲墮風蕭瑟雲散旗門飛簷築樂事今年勝去
年流光明日非今日歸途香送影纖纖飽飲瓊漿解
鬱炎微聞繖畔喁喁語多著沙糖味更甜十九峯撐

晴雪裏晨鐘夜柝聲相倚燈火連宵陌巷通明月橫
天照榆水

海口歌 師範

海口歌歌海口雞心螺殼兩相守海腹彭亨大於瓊
海口逼窄小如缶蛟龍設此門公來解其紐伐去粗
石通積沙要使平流順山去一蓄必一洩層層露原
藪君不見鄂公召吏示以策 雍正七年 又不見高公揮

衆趨農隙 雍正三年 後之繼起多豪賢可與謀朝未謀夕

遂至相沿成具文民溺民飢非我責豈期今日觀青
天沐風櫛雨勞擘畫濃雲散盡晚虹收日照晴波瀉

雲南通志

卷三十七

藝文志四之四

雜著四三 詩四

深碧稻者稻麥者麥十萬人家有安宅文端得二文
良三直接當年賽典赤

芒部銅運歌 國朝鎮雄知州進賢饒夢銘

瀘陽南蜀烏撒北川原險巖天地窄中權芒部仔其
肩銅駝銅艘日呼迫六百羅星道路難巖疆啓關念
年間著歪木果撐翟底羊腸烏道三坡連梭步嶺矗
鎮東道山鬼嘯風望天墘巖懸徑仄閣王邊油滑石
踏馬蹄倒河喧兩口硬寨停洪濤洞底去無聲一舍
岑寂巖光吐參差龍口浪花驚羅灣陡截河源出班
馬蕭蕭駝運畢擲地金聲高下聞大艘小艘魚貫入

愁望南江百八灘建瓴激石濤播顛幽箒舟攢旋磨
蟻雙洞瓦魁乾巖閒楊貴將軍穿洞底水趨石骨稜
稜起石下峭壁吼蛟龍倒纜曳舟舟不止趨上响水
長腰張下驅虎漕魚脊梁小鬼火眼覷門閉鯉魚水
泡號若狂油榨磧撞石牛戰鼉皮鯉腦飛片箭雉雄
狗乳碓邱趨大閣小閣灘懸線石屏孤聳馬蹄攢梭
邊杌杌到磨盤嗚咽水鳴南碕口羅舟百折維嶺岷
背負踵接銅隨下蜀江水合金沙瀉波浪湖湃邁羅
江扁舟勢捷奔泉馬菩提金鞭大石關鷺鷥野豬虎
背灣秤桿觀音火燄迥羅外瀘江又九灘水陸奔馳

雲南通志

卷之七

藝文志四之四

雜著四 四 詩四

千餘里巖椒灘磧石齒齒七盤三峽儘險隘運道所
經直如此古來往往歌路難況是任重霜雨閒單衣
敝縷汗流水鬚眉不于息歎煙駕馬服牛代辛苦悉
心籌十不得五領交越省赴程限長官督責心酸楚
溪洞盈涸更無時其中似有鬼神司陡漲忽落大舡
止小舡竝攔竹筏支舡筏森整儼戎伍按站滾運捷
桴鼓隔屬呼應靈不靈霎時揮金如揮土我莅芒部
歲一過借箸須才才若何衙鼓未罷身先出南北控
悠九月多策馬黔山撲山麓瀘江幾葬江魚腹歲時
伏臘飮征塵差免覆餗殊碌碌吁嗟乎上爲

國家下蒼生丈夫髮白愧無成歸去來兮歸未得坐聽

中宵風雨聲

經連然懷明大學士文襄公四首

楊履寬

經行頻過古連然斑駁殘碑認昔賢宵貯甲兵入洛

歲口談王霸棄繻年固原壁壘多晴色河套封疆少

燧煙未竟雄才嗟逮獄西風落日滿綏延

再提斗印入關中縛虜驚傳故將功承鄴密陳清寺

北亞夫不戰定山東趨朝國老危軒鶴蜚語優人臧盾

促冥鴻終始勳名扼近侍劉公已去又江公

裴晉歸來冠四朝浮生端合聽吹簫烽煙不敢侵京

雲南通志

卷二十七

藝文志四

雜著四五詩四

口車駕從教幸許橋自有元戎能破賊無勞天子更

觀潮時有導上幸浙者祇今反復闌門賦應羨當年

寵遇饒

議禮書生厭老成無端優詔起懷英秦中舊部增顏

色洛下新知思姓名公過洛陽劉文靖讓公咄咄而入陸粲與言多

感歎霍韜奏對敢縱橫可堪削籍猶誣賄每過山莊

恨不平

樂旬雜詠四章

國朝恩樂知縣長洲李繩

曲澗長橋鎖崇岡古堞欵七鄉分寨甲九種雜羅尼

錫姓多從葛土人姓相傳同音已變彝松針鋪地滿

武侯所錫

伏臘禮先祠

走病從雞卜鳴雷叱犢耕趕街喧馬鼠

土人趕街以十二支為街

期鼓篋耀簪纓婦媚環懸綵朋來戶扣鉦金鋼到處

綠籬落總天成

金剛纂草樹名田舍四旁環植

剝腥宵燭炬火種晚收蕎餽榼鹽茶貴分棚艾葉嬌

夷人生男呼喇艾生女呼喇葉

松蓬尊故鬼蘆箐課新條隊隊樵薪

過蠻童隔嶺招

賽紅瓜辨味釀碧果留香

土人以黃柑釀酒最香

客籍排門註

塘夫計日當

夷人輪甲值日赴役不爽時刻名曰當塘

登梁工伏弩入塾

漸成章最喜清風古沙苗不羨黃

滇省各處開礦採金恩邑獨不置廠

雲南通志

卷之七

藝文志四之四

雜著四六詩四

題南楊一門十節傳後

國朝定遠教諭張辰照

潭潭沐府號白鳥三百年來喬木枯小醜跳梁敢竊

據披猖尤恨沙家奴縱兵大掠巍岑麓苴陽城中食

人肉星指欖槍特地明天教節義乘時出楊公二氏

分西南點蒼山下愁雲含毀家紓難精力竭返日提

戈毅魄酣一夜堅城驟決裂合門淚雨同嗚咽黃口

能拖賈復腸紅顏解厲常山舌吁嗟乎高牙大纛多

公卿草閒求活何縱橫豈知表聖王官後殉社乃在

雙儒生二十人氣堅金石殺身渾似田橫客劉表遺

屍十日香萋宏熱血千秋碧

恩騎新秩輝里閭教忠

恩例從古無兒孫報効各弩力瀛州煙閣俱堪圖

曲靖道中

國朝諸生保山王兆楷

雁逐晴雲凍乍消平川煙火石城遙

曲靖古石城

斜陽草

色三义路殘雪梅花十里橋地接烏蠻通象驛山迴

白爨入龍標荒碑猶在鐫鉤黨

漢流李元禮妻子於石城

立馬臨

風咏大招

滇南樂府十二章

國朝教諭永昌袁文揆

西南夷 敘聲教所始也

西南夷邛笮隈唐張司馬持節來漢廷使者文武才

雲南通志

卷言七

藝文志四之四

雜著四七詩四

成功昌廣然于皆夜郎既通滇亦開黃屋左纛何有

哉不為蒟醬邛竹杖彩雲見處漢德廣公孫無能空

陳讜

討封離 感賢才之在下位也

討封離行天罰當強虜提殘卒張喬能任人楊竦遂

杖鉞三十六部降百五十人黜異哉從事能將兵創

卒圖像流英聲彼尹就者類偏夥寇來尙可尹殺我

梁毘哭 明廉潔之能化民也

象有齒以焚其身驪有珠而能殺人仕途險巇前事

後師此物饑不可食寒不可衣汝等以此先罹禍今

又持來將殺我貪泉可掬暮夜無辱還金贈言不禁
慟哭

松明樓 進賢烈惡淫惡也

松明樓包禍胎彼昏苦不知鄧睽胡爲乎來哉夫人
慈善賢而智鐵釧約臂勸不回五詔同一炬誰其認
屍骸獨憑鐵釧認夫骨葬罷閉城莫告哀狂奴妄封
甯北妃誓死從地下忘夫事仇吾不能叶表城號德
源家亡國破身後名總非只恨王節度按兵縱罪魁
受賄爲請命坐使南詔爲狼豺妾旣死作鄧睽鬼任
說禍始波衝妻叶松明樓已成灰王昱亡我唐亦危

雲南通志

卷三十七

藝文志四之四

雜著四八 詩四

大渡河 憫士女化離也

贊皇未任南康死大渡河邊嗚咽水可憐士女紛如
雲哭罷別鄉半從徙莫歎錦城室九空雕文纂組妨
桑農中原似惜饑寒意一任南荒擄伎工

申駢議 責備賢者也

駢議申唐不振塞無氛郊降嬪公主尊天潢親烏蠻
孫槃弧倫諧晉秦判仙塵釣垂緡華惜春誇漢津慘
湘筠謀國臣陳與辛眩黃雲汗紅褰甲騎屯巾幗紛
誰倡言高領軍捷曾聞智胡昏覆輒循奉春君

大理國 嘉段氏能安民譏宋輕棄地也

蒙氏得國本不仁篡賊鄭趙楊紛紛天牖思平遂舉
義方素爲有伽羅臣得戟波犬村得驥鏡湖涖人從
我江尾馬從三沙矣爾國名大理一一如婦指萬箭
樹邊楊虜俘三夢原來兆非否君不見思廉能爲宋
外臣遠求經籍有正消段氏中絕竟復續卜年三百
五十足區區西洱河恰似錢璆得人和何況天子朝
萬國王道蕩蕩無偏頗古訓有言守四夷知人善任
是機宜大渡河外非吾有因噎廢食無能爲

鎮守太監 懲貪殘也

天高高風蕭蕭搜盡珠寶刮脂膏前有錢能之窮奇

雲南通志

卷三十七

藝文志四之四

雜著四九 詩四

後有楊榮之老饕醜類俱薰灼相煎無處逃食豺虎
縱鸚鵡大小獬豸尙逢怒快哉他日健兒呼一呼賊
璫碎頭顱

莽緬防 重籌邊也

官府只惜一張紙打失地方二千里拔旣附緬貴亦
貳士宵尙知千一耳心憂蠻哈卽我謀遽遭鳳手骨
誰收妻子赴訴官不救千隴一失長寇讎狼子野心
惡同濟朝吳謀楚肆吞噬慷慨金騰兩副使以夷制
夷得上計奇謀密約連迤西兵分三路搗雕題乳臭
王凝檄止援損教賊鳳走鯨鯢汝芳憤罵投幘起豎

儒敗事何至此一朝竟墮十年謀吾屬今爲緬虜矣
誰道歸俘不報書又遣舌人李阿烏強示招徠何爲
者若忘漢使紛被拘眼見江黃就夷滅上國聲靈幾
挫折差強人意攀枝花可憐材俸冤莫雪是時劉鄧
威名盛不假設官亂才定賴有余公妙運籌外通暹
羅內修政從此金騰稍宴然蕭條絕塞罷烽煙安邊
自合有長策唐句豈在庸臣粉飾閒

且蘭城 著招寇之失也

且蘭城歲月古明季豪會敢予侮前有安銓後鄭舉
定洲一來燼黔府池魚殃野獸怒東西數郡烽火連
桑土調土兵計本左鑿前車非小補

滇科目 懷鄉賢也

聖人出萬國甯禮樂定治功成科目設人材振何不
薄儒生宰相須用讀書人滇俗樸士氣清延門之德
川嶽寶歌梧桐頌芹藻

籌滇疏 景前哲也

四府亂滇滇事壞洪化府開民尤憊

天兵弔伐德無外貝子將軍勇且忠斬關入滇分道攻
大憝授首普仁風綏遠十疏無出右王范諸臣爲之

百姓何辜罹此苦開門揖盜誰之咎

叶

未雨綢繆忘

後於戲一時醫國手

國朝甘肅布政宜良嚴煥

鐵鎖橋

千尋鐵鎖跨江干鳥道蠶叢路不刊自昔蘭津空寫
怨於今黑水早安瀾洪鐘入峽蒼龍吼白日沈江孔
雀寒多少哀牢山外客暮煙朝雨淚闌珊

滇南引

國朝雲龍學正蒙化張登瀛

南交引

煉石者媧彩繪堯羲和整馭馳南交驅光逐景四字見白

帝咎皇娥歌蕩八表鑿漢繁星經九霄玉衡授虞虞浴日

浴罷重華敘天秩八伯賡歌聲滿天天邊彩雲光溢

雲南通志

卷三十七

藝文志四之四

雜著四十一 詩四

溢

黑水引

雍州之西華山陽黑水一派雄南梁直經三危走炎

海導自神禹書孔彰緯禹經圖疏始圖山海疏桑子

千載無尋源紛紛聚訟耳金沙謬由樊麗評樊綽指為麗水

遂有金沙即黑水之誤秦之西洱失持衡程秦之指西洱河亦非援晦翁

說更無謂當年玉斧息南征繪水讀山爭尺步不以

心遇以目遇迺同稟飶慨荒殘沿流浪指瀾滄渡瀾

滄外駛驚瀧壓龍盈二水名在西惟潞江潞江滾滾西南奔

勢分洪河撼崑崙沙可尚木二水名在西涵天遠沈

黝湛碧蛟龍蹲胖柯眾流敢出右從來誰展註經手
一萬里外渺滄茫四千年餘誤罡斗嗚呼六經所著
詎浮沈羣言同異變古今大地緯絡猶迷概而云理
域窮高深寶鼎元圭符參贊極入縱遙圖可按不廢
江河萬里流村句黑水於今歸

聖斷赤曜

天章造化同千二百字統有宗禹貢計一千一百九十四字天正中華

再重羣蒙啓萬派東

牧野引

禹象鼎湯獻珠卜人丹砂逸周書本註卜即濮流雲恣圖

雲南通志

卷三十七

藝文志四之四

雜著四

七 詩四

緯彤日垂典謨甘誓師車戰律牧誓師步戰秩孫月峯說

王秉白旄杖黃鉞容肅辭嚴心執競龍河龜洛妖潛

伏三妖五災見荀子及說苑干戈止齊鎮於盤春曉霄鷹揚羽翰

勗哉虎貔熊羆列維鬣維濮尙桓桓庸集大勳孚大

觀二百四十字不刊牧誓計二百四十五字泰誓之三伏生畧

壁中武成淪彫落冠洪範篇星炳爍元公譜之明明

作大明會如林師煌煌涼彼武王牧野洋洋同甲子

先越裳

昆湖引

昆明池漢武功習樓船揚大風滇中昆湖五百里湖

西太華森壁壘湖光青接苴蘭城明月芳洲鷺雙起
博望侯窮雕摻西域南來不扼險以邛竹應明王求
馳義開五郡丞相天威震唐爨宋置之革囊恢廣運
自漢迄元昆水濱不聞鐵甲揚飛塵中原墉金沙江
驃夷防南瀾滄昆湖兩水之中央

金馬引

彩雲炳天駟騁當坤野翔金馬金馬翔西南光朝逸
崑崙頂夜馳炎海疆渴飲蘭津露飽芻芝岑芳蹄淨
夏峯之積雪驥濯黑水之滄茫仰天一嘶上薄犴羊
伏阜荒夷萬里誰知從來神物遇絕奇忽感漢皇馭

雲南通志

卷三十七

藝文志四之四

雜著四 詩四

遠思博望初通不入貢大夫醮祭誠何爲招之而不
以其道忍使飛黃向風悲畢竟何足悲暫潛昆明水
聞道方壺多瓊仙九重真人求不死藉同渥窪爭雄
風元狩太初閒又將傳續穆天子神爵爭傳符瑞多
西京元氣衰於此何如有我鼎湖龍後世曰山曰神
任疑似嗚呼金馬能藏定能行方今

聖人重奇英王良登車御紫極襄豫小醜敢縱橫
來依我

后

皇衷之馭朽雷鄰鐵騎赤汗流勵此臣節懸星斗迅掃風

煙揚永清西南龍媒勒殊勳易不云乎坤元亨利牝馬之貞毋令徒負千秋名

碧雞引

宣皇好鳳誤碧雞天下羣雞化鳳凰七元二十五年閒膠東新蔡六翱翔當年博南雞入貢北海杜陵定無鳳與其誤鳳宵誤雞西京將相愧沈黎山川災異不絕書甘露黃龍復何如噫嘻西南夷易白而碧文工奇指鳳曰雞等乳兒毋乃托於譎諫術雞談竟爭紀鳳筆誰知八千里藩猶存簡古之勁質君不見虞廷薰風一來儀越千載後鳴西岐

雲南通志

卷三十七

藝文志四之四

雜著四 詩四

獅山引

燕藩入惠帝出龍潛湖鳳委地搖星斗浪泥沙殉如

雲自方孝孺迄東湖樵夫牛從如鴉從亡諸臣葉希

景先共七十五人殉國難冰為骨雪滿頭入

千里四十秋宮中火天邊日鷺肉泣獅山立

頭人謠 國朝提學秀水汪如洋

官站需夫驛需馬簡派捐輸出鄉社一鄉一社一頭人馬牙夫店充一身大差夫馬攤煙戶小差尋常亦百數浮開剋給利贏餘有差不若無差苦有差派出民不驚無差日日飢腸鳴入城官長笞入鄉鄉眾毆

前站猶鬚似虎虓此時頭人不如狗

採穀引

汪如洋

開倉平穀貴採穀補倉空出陳易以新立法期濟衆
入倉有定額官胥毋容侵斗石發價有定程銖兩
使衡端輕儲倉衛民民所樂顆粒終當有歸著官倉
宜實欠宜追但莫折錢飽私橐

禁麗民火葬歌

國朝麗江教授呈貢孫杰

聖王制禮準乎人情送死儀節厚於事生衣衾棺槨
必敬必誠庸夫愚婦孝子仁人治喪營葬敢不遵循
我聞夷獠葬或稱天弗以棺斂尸掛樹巔暴之風日

雲南通志

卷三十七

藝文志四

雜著四

詩四

飽彼烏鳶又或水葬棄擲深淵魚蝦朽腐蛇啞津涎
維彼麗俗火葬堪憐家有死喪不聞哭聲召彼刀巴
跳舞盤旋刳羊殺牛聚集親姻鳴鈺擊鼓呼號囂喧
以醉爲哀莫知其然載以薄版昇於郊原親戚鄰里
束煨相先積柴如山尸委其閒炎炎烈火赫赫青煙
肉飛骨炸皮捲筋拳膏流漬地氣臭薰天尸或僵起
石壓木揜須臾灰燼拋擲荒阡婦哭於後子泣於前
覩茲慘毒能不悲辛嗚呼噫嘻人孰無心爾鄰有災
禍恐相延焦頭爛額尙往救援爾膚被灼髮燎眉然
少有痛楚已覺熬煎胡忍爾親任爾燒焚或謂此風

西方所傳佛氏之法滅性毀形骨月盡化用表厥真
悖禮傷教奕世相沿此方黎庶歸化百年舊染汚俗
應與維新毋狃故習速爲改遷莫吝財物厚培根源
或葬父母或葬祖先斂以時服盛以杉棺及時入土
子心乃安風水之說創自古賢地合龍穴瑞應山川
福爾後嗣延延綿綿何苦仍陋自罹尤愆

國典具在尙不汝寬鬼神降鑒罪何可追瑣言告爾各
宜勉旃

堡夫行

孫杰

買田立堡設堡夫皇華驛路供前驅名在檔冊戶難

雲南通志

卷三十七

藝文志四

雜著四
詩四

脫田經轉售夫誰逋祖孫父子相承繼如世襲職膺
官符按日輪派聽驅使扛抬迎送奔長途赤足擊地
繭重裂秃肩磨扛血縷濡自朝至暮行百里貴人安
穩眠藍輿偶然傾跌達官怒鞭箠頻及勞呵呼達官
請勿怒賤子試言諸生人有貴賤區別知與愚人各
惜筋力我亦愛髮膚如何我肩臂代爾作路途險道
一失足動與鞭朴俱區區命誠微嗟嗟竟何辜累欲
逃匿避斯役去之恐禍及妻孥祈寒暑雨不敢怠聊
將骨力代均輸赤日炙背汗沾頰積雪沒脛冰在鬚
四時不勝扛運苦敢因寒暑延斯須言之聲與淚俱

下氣填膺臆喘路隅我聞此語轉太息力役之征何
代無此亦人子亦善視鞭笞驅迫胡爲乎

昆華紀遊

國朝呂堰巡檢昆明錢允濟

危巖障斜日倒作半湖陰隔水雲霞燦入山烟靄深
蟬關餘漢碣牛井證禪心暝色生清磬來尋支遁林
縹緲飛樓上秋光萬頃空山分秦地秀池憶漢時功
煙塔滄波外蘭城斜日中夜來雙島月不照廢吳宮

東川二咏

國朝候選州同東川劉漢鼎

可富村

川滇連界中隔金沙江兩岸居民往來移
家江岸者日衆兩省官兵亦每會哨於此

苦無守渡船戶余捐置
田百畝請設義渡焉

雲南通志

卷三十七

藝文志四之四

雜著四七詩三

可富村邊問古渡混茫勢隔蠶叢路蛟龍白晝橫攫
人望洋歎者不知數我生已乏濟川才輕舸小艦爲
君開從今莫唱公無渡試看江干小隊來

車紅江

由郡赴曲靖要道向設石墩架以木梁每
遇暴漲梁輒毀強以船渡歲有覆溺之患
慘不可言余爲建石橋其上長二十餘丈寬丈
五六尺下爲七空瀉水今已三年幸將觀成矣

車紅江水日洶洶奔流競欲先朝宗瀾望狂瀾不可

障牂柯一綫杳難通伊昔架墩成畧徇往者來者趾
相錯不堪歲歲夏秋交祝融少皞共激薄馮夷肆虐
助其威翻動雲根帶潮落深林處處鷓鴣啼亂流誰
慣學鳧鷖過涉弗知滅頂戒愁雲毒霧增慘悽我聞